

3.  
—  
—  
**Ein Schönes**  
**Tröstliches Gebett / der**  
**Heyligen vñ Hochberüh-**  
**meten Königin**  
**Esſher,**

**Allen betrübtten Chriſtē verziger zeit**  
**zūſprechen/bequemlich/Kürzlich**  
**verkläret.**

**¶ Durch M. Cyriacum Spangen-**  
**berg / Im Jar /**  
**M. D. L V I I.**



Ein schönes Tröstliches  
Gebett der Heyligen vnnnd Hochber  
rhmpten Königin Esther.

**D**er du allein  
vnsrer König bist / hilf  
mir Ellenden / Ich habe  
keynen anderen helffer  
dann dich / vnd die not ist für augen /  
Ich habe von meinem Vatter ge  
hört Herz / das du Israel auß allen  
Heyden gesöndert / vñ vnsere vätter  
von alters her / züm ewigen Erbe an  
genommen / vñ ihnen gehalten / was  
du geredt hast / Wir haben für dir ge  
sündigt / Darumb hastu vns vberge  
ben inn vnsrer feinde hände / Herz du  
bist gerecht / dan wir haben ihre Göt  
ter geehret. Aber nün lassen sie ihnen  
nicht daran benügen / das sie vns in  
grossen zwang halten / Sondern jrē  
Syg schreiben sie zü der macht ihrer  
A u Götzen /

## Erklärung des Ge

Götzen/vñ wollen deine verheißung  
zu nicht machen/ vnd dein Erbe auß  
rotten/ vñ den mund deren so dich lo  
ben/ verstopffen/ vnd die ehre deines  
Tempels vnd Altars vertilgen/ vnd  
den Heyden das maul auffthün/ zu  
preysen die macht der Götzen/ vñnd  
Ewiglich zürhümen einen sterbli  
chen König. Herz/ gib nicht deinen  
Scepter denen die nichts seind/ das sie  
nicht vnser jamers spotten/ sonder  
wende jr fürnehmen vber sie/vñ zeich  
ne den/der das wider vns anrichtet.  
Gedenck an vns Herz/vñ erzeyg dich  
in vnser noth/ vnd stercke mich Herz/  
du König aller götter vñ Herrschafft  
tc/ Erhöre die stime der verlassenen/  
du starcker Gott vber alle/vñ errette  
vns von der Gottlosen handt/vñ er  
löse mich auß meinen nöten/ Amen.

## Erklärung dieses gebetts.

Inn diesem schönen Gebett haben wir vier  
stücke Wrdentlich zübedencken.

Erstlich die vrsach/ Warumb vñ weßhaben  
man

## bedts der Esther.

man Gott anruffen solle.

Zum andern / Ein öffentliche Beichte oder bekandtuß.

Zum dritten / Ein Jämmerliche Flage.

Zum vierdten / Etliche bitt vnd erzölung deren stücke / so wir von Gott begeren.

### ¶ Zum Ersten.

So ist das allen menschen / so Christen seind / fundt vñ wissen / das man nyemandt anruffen sollt / dan allein Gott / Seitenmal nichts in alle nöten helfen kan / dann allein was allmechtig ist / vnd nicht meh: dann ein cyniges / Allmechtiges wesen ist / nemlich / Gott vatter / Sün / vñ heyliger Geyst / welchen einigen Gott die liebe Esther / allhie mit einem wort den Herrn nennet / wie dann Gott disen namen auch alle zeit geführt / vnd Moses / darzu alle Propheten / von Gott also schreiben vnd sagen / Also spricht der Herr: /c. Auch er selbs lasset sich also hören inn den Zehen gebotten / Ich binn der Herr dein Gott /c. Vñ im fünfften buch Mose / am sechsten cap. Höre Israel der Herr vnser Gott / ist ein Eyniger Gott / ein cyniger Herr.

Damit man aber eygendlich wissen möge / welchen Gott die Esther anruffe / das man nit dencke / sie bette zu einem vngewissen Gott / wie die Heyden auch Gott anruffen / vnd doch

A iij nicht

**Erklärung des Ge**  
nicht wissen/wer der selbige Gott sey / so gibt  
sie ein fein merckzeychen/vnd spricht.

**¶ Herz/der du allein vnser Kö**  
nig bist.

Sie weist sie auff die verheissung die Gott  
den Vättern geben hatte/ das er ihn den Mes-  
siam sendē wolte/der solte seines volcks Israel  
König sein/vñ das ist geweissaget von Christo/  
Dañ Christus heisset auff Teütsch ein Gesalbe-  
ter/Vñ ward aber nyemandt bey dē Jude ge-  
salbet/dann allein die Könige vñ Priester/Vñ  
würt in sonderheyt dem Dauid zugesagt/das  
des Messie/des Herzen Christi Königreich sollt  
Ewig wären/Ruffet also die Esther den rech-  
ten/eynigen/waren Gott an/nemlich den Vat-  
ter vnseres Herzen Jesu Christi.

Als oft wir nün betten / sollen wir an den  
König Christum dencken/so können wir dester  
freüdiger vñ getröster Gott anruffen/Seiten-  
mal eben der König / der Herz Christus vns  
die verheissung gethon vnd gesprochen/War-  
lich/warlich ich sage eüch / was ihr den Vatter  
bitten werdet in meinem namen / das würt er  
eüch geben/durch disen König allein habē wir  
einen zügang zu Gott / Dañ nyemandt kompt  
zum Vatter / dann allein durch mich/sagt er  
selber. Weyl nün diser eyniger/Ewiger Gott/  
allein

## betts der Esther.

allein der Herz ist / vnd die gewalt hatt / auch  
allein der König ist / vnd das Regiment in hân  
den hatt / vber alles herrschet vnd regieret / vñ  
gleich eben vnser / nicht der frembden vñnd  
gottlosen / König ist / so ruffen wir in. billich an.

Vñ soll vns diß Wörtlin im gebett stercken/  
Dann weil er Herz ist / so kan er erhören vñ ge-  
ben / weil er König ist / so wilff ers thün / weil er  
dann auch vber das vnser König ist / so würt er  
es thün / vñ weil ers allein ist / so muß ers thün /  
dann die gleübigen werden erhört / das ist ge-  
wiß / ruffen sie dann nyemandt an / dann allein  
Christum ihren König vnd Herzen / so würt er /  
ja eben der selbige König vñ eynige Herz sein /  
der erhören vñ helfen kan / würt vñ wilff / lauts  
seiner zusagung vnd verheissung / Also ist nün  
vnser gebett gewiß vñnd ungezweiffelt. Was  
soll aber nün diser vnser Gott thün ?

¶ Hilff mir Elenden / sagt die lie-  
be Esther.

**E** Je nennet sich Elend / bringet nichts für  
Gott / darauff sie sich verlasset / dann al-  
lein auff seine gnade / güt / warheyt / vnd  
Allmechtigkeyt / Dar gegē bekennet sie frey her-  
aus / ihz elend vñ dürfftigkeyt / Das lehret vns  
die ware Demüt / in dem gebett / die aller ding  
an vns soll erfunden werden. Dann wer für  
A iij Gott

## Erklärung des Ge-

Gott kompt mit dem gebett/vñ sich gleich wol duncken lasset/er sey vñ thue auch etwas/vñ ernidige sich nicht gar vor ihm/der bettet noch nicht rechtschaffen/wir müssen vns in summa für Elend vñ dürfftig erkennen/vñ der hilffe begeren. Warumb aber das? Vmb zweyer vrsach wissen.

Erstlich weil vns sunst nyemands helfen kan/daher sie hie auch sagt.

**¶ Ich hab kein andern Helfer  
dann dich.**

**G**Wie wol ist dem der sein hilffe also bey Gott allein süchet / vñ nicht auff sich selbsts oder andere Menschen vñ Creaturen verlasset/Dann Menschen hilff ist kein nütze/Allein Gott ist der rechte helffer/darfür sollen wir ihn auch erkennen.

Die ander Vrsach/darumb wir bey Gott allein hilffe süchen/steht darinnen.

**¶ Die noch ist vor Augen.**

**G**ott allein ist der rechte nothelffer/Darumb als bald die not vorhanden/sie sey Leiblich oder Geistlich/so ruffe man nur bald zu ihm / so würt er seinen namen mit der that beweisen/Dann Gott ist vnser züuersicht vñ stercke/ein hilffe in den grossen nöten / die vns treffen haben/Psal. xlvj.

Woher



## berts der Esther.

Woher weiß man aber das Gott vnser gebett erhören/ vñ in vnserem Elend vns helfen werde. Das zeygt Esther fein an vnd spricht.

**I**ch habe es von meinem vatter gehört.

**A**lso haben wirs/Gott lob/auch von vnseren Elteren gehört/vnd lesens in vnseren vorfart der Propheren vñnd Apostel schrifft. Was wir vns zu vnserem Gott gütts zitter sehen haben. Was haben wir dann gütts von ihm gehört? Wol zweyerley fürneme wolthaten hatt Gott an seinen Christen beweiset/dadurch wir sollen bewegt werde/gleiche hilff von ihm zü bitten vnd zü gewarten.

## Die erste Wolthat.

**E**r hat Israel auß allen Heyden gesöndert.

**E**r hat vns vnwürdige/ Arme Menschen vnd Sünder/ ohn alle vnser verdienst vñ würdigkeyt/ ihm zu einem ewigen eygenthumb/volck vñ Kirche erwölet/Darzu durch das Euangelium beruffen / durch die Tauffe gereyniget/mit seinem leib vñnd blüt erkauffe vnd gespeiset/seinen Geyst gegeben / vñnd mit allerley Geystlichen gütere reichlich vberschüttet/vnd also einen vnder scheyd gemacht / zwischen  
A v schen

## Erklärung des Ge

sehen uns vnd den Heyden/ uns von ihnen abgesondert/ das wir nicht mit ihnen zügliche im vnglauben bleiben vnd verdampt werden/ Dieses haben wir ja Gott lob/ an vnser selbs eygen Person erfahren. Darumb wir uns billich fürthün guts zu ihm versehen sollen.

Die Ander Wolthat/ Ist vor langer zeit vnserem Vatter Abraham / vnd allen seinen Bitteren oder nachkommen / das ist/ allen gläubigen bißher erzeygt worden/ in den zweyen stücken.

## Erstlich/

¶ Das er vnser Vätter von Alters her/ zum ewigen Erbe hat angenommen.

## Darnach/

¶ Das er ihnen gehalten/ was er geredt hatt.

**W**ie dann diese wolthaten nach der länge in der Bibel angezeygt vnnnd beschriben werden/ Dañ wir vnzählich vil wunder vnd thaten lesen/ die Gott alle zeit von anfang her an seinen gläubigen/ vnd die in söchten/ beweiset/ vnnnd ist insonderheyt das zumercken/ wie er Abraham vñ alle die nach seinem Exempel/ Gott

## betts der Esther.

pel Gott glauben/zum Ewigen Erbe hatt angenommen. Darnach wie er die verheeyßung des Messie so gnädiglich gehalten vñ erfüllt. Daher auch Maria singt/ Er hatt der Barmherzigkeyt gedacht/ vnd seinem diener Israel auffgeholffen/Wie er gerecht hatt vnsern Väteren/ Abraham vnd seinem samen Ewiglich. Vnd wie Zacharias solches weiter erkläret/ das solches alles darumb geschehen sey/das er vns errettet von vnseren Feinden/vnd von der gewalt aller derē die vns hassen/vñ die Barmherzigkeyt erzeygte vnseren Väteren/ vnd gedächte an seinen Heyligen Bundt / vnd an den Eydt den er geschworen hatt / vnserem Vatter Abraham/vns zūgeben / Das wir erlöset auß der handt vnserer Feinde / ihm dienenen ohne forcht vnser lebenlang/in heyligkeyt vñ gerechtigkeyt.

Das ist also das erste stuck in disem gebett/welches lehret vñ anzeygt / Wen man anruffen solle/Nemlich den Vatter vnseres Herzen Jesu Christi/den eynigen Gott vnd Herzen / sampt seinem Sün dem rechten König/vnd dem heyligen Geyst dem waren Tröster / Vnd wer die seind die in anruffen sollen/Nemlich die Elenden vñ dürfftigen/ Was auch für vsachen vns darzū bewegen sollen/Nemlich die zwo/ Weil er allein Helffer ist / Vnd darnach weil die noch  
vor augen

## Erklärung des Ge

ret augen ist/Vnd in welcherley zuuerficht das  
geschehen solte/das man bedencke seine gnädi-  
ge außerwölung / dardurch er vns zu Erben  
des Ewigen lebens verordnet/vnd seine bestän-  
dige warheyt in allen seinen zusagungen.

¶ Das ander theil dises gebetts/

Ist eine öffentliche Beichte vnd bekantnuß/  
das man mit dem munde bekenne vñ anzeige/  
was man im hertzen von Gott/vñ darnach von  
ihm selbst halte/Was aber von Gott zuhalten/  
vnd züglauben sey/Lehret die liebe Esther/ inn  
den Worten da sie sagt.

¶ Herz du bist gerecht.

**S**o soll auff zweyerley weise verstanden  
werden. Erstlich das Gott gerecht ist/  
vñnd nyemandts vnrecht thut/ Ob vns  
min gleich vnglück vñ Elend trifft/ So haben  
wir's wol verdienet / Gott thut vns nicht vn-  
recht / Darumb sollen wir auch nit wider sein  
gerechte V:theil murzen / Sondern es darfür  
halten/das vns von Gott nicht vnrecht gesche-  
he/wañ er vns auch gleich mit ewiger verdam-  
nuß straffte. Darnach sollen wir ihn auch der-  
halb gerecht nennen vñ erkennen/Weil er ge-  
recht ist/vnd gerecht/fromm/vnd heylig macht/  
alle die da seind des Glaubens an Jesu / Wie  
Paulus sagt/Rom.iiij. Hebt also die verdam-  
nuß

## betts der Esther.

nus auff/vnnd schenket vns vmb seines Süns  
wissen/die Ewige gerechtigkeit / die vor ihme  
gilt vnd bestehet / Welche ist vergebung vnser  
Sünde/Darvon S. Joannes sagt/ So wir vn  
ser Sünde bekennen / so ist Gott so getrewe  
vñ gerecht/das er vns vergibt vnser Sünde/  
vñ reyniget vns von aller vntugendt. Das sol  
len wir nün von Gott halten/ glauben vnd be  
kennen.

Dargegen sollen wir auch beichten vnd be  
kennen/wer wir seind/ vnnd was wir gethon/  
vnd da eygentlich mercken die wort der lieben  
Esther/da sie erstlich spricht.

¶ Wir haben vor dir gesündigt.

**S**As ist / wañ wir gleich vor der welt gar  
from vnd heylig weren/vnnd vns nyem  
mandts straffen köndte / so haben wir  
doch vor dir gesündigt vnd vbel gethon / Iha  
wir seind in Sünden entpfangen/ vñ geboren/  
An dir allein haben wir gesündigt/vnnd vbel  
vor dir gethon / auff das du recht behaltest in  
deinen Worten/vnd rein bleibest / wann du ge  
richtet wirst. Es darff nyemandt sagen / das  
du vns vnbillich straffest / Es darffe dir nyem  
andt schuldte gebe/das du vns vnrecht thist/  
Dann wir habens alle wol verdienet / wir ha  
ben vor dir gesündigt.

¶ Darumb

## Erklärung des Ge?

¶ Darumb hastu vns vbergeben  
in vnser feinde hände.

**G**Wol vnser feinde Gottloser vnd Er-  
ger seind dann wir / So sollen wir vns  
dannoch nicht gar für vnschuldig hal-  
ten/dann wir täglich meh: sündigen/dann wir  
bedencken können / Das sollen wir bedencken/  
Dañ erkantnuß der Sünde ist der erste grad/  
die erste staffel zur rechtschaffnen büsse/ wo die  
nicht ist/ Da ist alles gebett vmb sonst vnd ver-  
gebens/Darumb sollen wir alles was vns wi-  
derwertiges begegnet / halten für ein züchti-  
gung vnnnd Väterliche straffe von Gott/vmb  
vnser Sünde wissen/vns züm besten. Die an-  
der vsach/darumb vns Gott bißweilē ein zeit  
lang vbergibt inn der feinde hände / folget  
weiter.

¶ Dann wir haben der Feinde  
Götter geehret.

**W**Er seind der feinde Götter : Alles dar-  
auff sie sich verlassen/als ih: groß Reich-  
thumb/macht/gewalt vnd dergleichen/  
Dann warauff der Mensch sein vertrauwen  
setzt/warauff er sich verlasset/dz ist sein Gott/  
Wann nūn die feinde hoch her fahren/ vñ auff  
ih: gewalt vnd hinderhalt truzen vnd bochen/  
vnnnd



## betts der Esther.

vnnnd wir vns solches erschrecken lassen/ wider  
Gott vñ sein wort zũthun / oder aber vns anch  
herwiderumb auff dergleichen stücke oder an-  
dere Creaturen verlassen/meh: dan auff Gott/  
oder zũm theyl darauff bauen / so ehren wir  
dere Feinde Götter / vnd verursachen vnseren  
Herzen Gott/vns zũzüchtigen vnd zũstraffen/  
Also seind auch vnser Feinde verächter des  
Göttlichen worts vnnnd der Sacrament/ leben  
in Sicherheyt/stolz vnd vermessenheyt in Got-  
tes lesterung/haß/neyd/vnzucht/ fressen vnnnd  
sauffen immer dahin/ vnd wölffen darumb vn-  
gestrafft sein / haben ihz lust vnd freüde daran.  
Seind derhalben solche stücke ihre Götter/ Wo  
wir ihn nũn darinnen nachfolgen / vnd in der-  
gleichen Lasteren ligen / wie dann leyder mehr  
dann zũvil geschicht/ Vnd gleichwol daran nit  
wölffen vnrecht gethon habē/ So ehren wir der  
Feinde Götter / vnd geben damit vsach / das  
vns Gott eben durch dieselbige feinde straffet/  
vnd das sollen wir warlich erkennen / vnnnd vor  
Gott nicht entschuldigen noch beschönnen/ Son-  
dern vmb gnad bitten / vnnnd mit dem glauben  
erwarten.

Vnnnd das ist das ander stück dises gebetts/  
Nemlich die hertzliche bekantnuß / wz wir von  
Gott halten/vnd wofür wir vns auch selbs er-  
kennen sollen.

Zũm

## **Erklärung des Ge.**

### **¶ Zum dritten/**

Habē wir in gegenwertigē gebett/ein rechte  
ihāmerliche vnd ernstliche Plage vber vnser sein  
de vnnnd widersācher/ dann wann vns Gott zu  
zeiten angreiffet vnd züchtiget/ so werden sie so  
sicher/ frāuel/vnd vermessen / das sie nicht an  
ders meinen / sie seyen nūn gar vber den berg/  
vnd können nichts gedenckē / das sie nicht thūn  
dō:fften.

**¶ Sie lassen ihn nicht daran benū  
gen/das sie vns in grossem zwang be  
halten.**

**S**ie lassen es darbey nicht bleiben/das sie  
vns nach Gottes verhängnuß vnder ir  
leibliche gewalt Kriegen/drucken/pla  
gen/schätzen/vñ außsaugen/das vnser nemen/  
vnd also eüsserlicher weise nach/gar in grundt  
verderben / Sondern sie vnderstehen sich auch  
Gott inn sein Regiment zūgreiffen/sein wort/  
ehre/namen/Kirch vnd Reich zūuerlestern / vñ  
zūhinderen/Vnnnd beweisen solches fürnemlich  
in sechs stücken.

### **Erstlich/**

**Schreiben sie iren Syg zū der macht  
ihrer Götzen.**

**Das**



## betts der Esther.

**S**As ist den Creaturē/darauff sie sich ver-  
lassen/ihrer macht/gewalt/stercke/ihren  
starcken/festen/grossen Landē/vilen Lett-  
ten/gewaltigē freünden vñ mechtigen bundts  
genossen/Ihrer list/practicken vñ geschwinden  
griffen/zū zeiten auch ihren gūten sachen/vnnd  
dergleichen Götzen darauff sie trauwē/denen  
schreiben sie es zū das sie gewinnen vñ obligen/  
vnd nicht affein dem eynigen Gott / Vñ das ist  
ein grosse Sünde wider dz erste gebott / würt  
dardurch Gott seine gebürliche ehre entzogen/  
des wir vns billich/als seine diener/ annemen/  
vnnd derhalben klagender weise zū ihm ruffen  
sollen.

Für das Ander vnderstehen sich die Gottz-  
losen/

### ¶ Des Herren verheissung zū nicht zūmachen.

**S**Ann Gott hatt vns verheissen/ er wölffe  
vns nimmermehr verlassen / Sondern  
auß aller not vnd widerwertigkeyt er-  
retten vnd erlösen / vnd vns in der Feinde ge-  
walt nicht ewiglich bleiben/vil weniger darin-  
nen verderben lassen / wann man vns nūn zū-  
setzt/an allen orten hefftig druckt vñ verfolget/  
vnnd wir derhalben zū Gott ruffen/ ihn seiner  
zūfügung vñ verheissung im gebett / gesāngen  
B vnd

## Erklärung des Ge

vnd Psalmen/das er vnser gedencen wölle/  
erinnern vnd ermanen/ von stundan faren vn-  
ser Feinde zu/ Her sagen sie / wir wölle euch  
wol anders auff die Hauben greiffen / Wo ist  
nün eüwer Gott/eüwer feste burg/darauff ihe  
euch verlassen ? was halt jr nün von eüwerem  
glauben vnd Euangelio ? Lassent sehen/esset/  
zeret / vnd nehret euch daruon. Wo bleibt eü-  
wer errettung ? Vñ also gedencen sie vns von  
dem Warhafftigen vertrauwē/so wir zu Gott  
haben/abzuführen/Gottes verheissung vntuch-  
vnd zu nicht zümachen / wölle in also züm Lü-  
gener machen / als wurde er seiner zusagung  
vergessen / weil er sie etwan länger dann man  
vermeynt/auffzeücht / vnd vns züzelteneben  
lange vnser beduckens leiden lasset / vñ thut  
als gedächte er vnser nicht mehr / so es doch die  
meynung gar nicht hatt / das er vns darumb  
gar verlassen wölle/Sondern was er thut/ge-  
schicht vns züm besten/vnsern glaubē/gedult/  
hoffnung vnd gebett züüben/ vnd das er her-  
nachmals seine gewaltige hand an vnseren fein-  
den dester gewaltiger erzeyge. Dann wan die  
Feinde meynē/Gott habe vnser gar vergessen/  
als dann creyget er sich erst ain meisten/mit sei-  
nem gewaltigen vñ kräftigen arm. Woldem  
der den Herren fürchtet/vñ auff seine gute war-  
tet/Dann was der Herz sagt/das thut er/ Vñ  
was

## betts der Esther.

was er verheisset/das halt er / Dann Gott ist nicht ein Mensch/dz er liege/nach ein Menschē Kinde/das ihn etwas gereüwe / solt er etwas sagen/vnd nicht thün/solt er etwas reden/vnd nicht halten/Num. xxiij. Vnderstehen sich derhalben die Feinde der gletübigē eines vnnütlichen dinges / dann des Herren verheissung/ werden sie ja nimmermehr zünicht machen/ dz soll vnser trost sein/ Dann was vns Gott verheissen hatt / wissen wir auß dem Euangelio wol/vnd sollen es oft bedencken.

### ¶ Zum dritten/

klagen wir vber die feinde darumb/

### ¶ Das sie des Herren Erbe wöl- len außrotten.

**S**Es Herren Erbe seind wir/Dann im ij. Psalm spricht Gott der Himlische vater zu seinem lieben Sun Christo/ Hey- sche von mir / so will ich dir die Heyden zum Erbe geben/vnd aller Welt ende zum Eygen- thumb/vnd das solches geschehen sey/ bezeugt der Herr Christus selbs/Matth. am letzten/ da er spricht/mir ist gegeben aller gewalt/im Him- mel vnd Erden/Vnd wie er nun sein Erbe will Regieret vnnnd erhalten haben / zeygt er auch selbs als bald da an/vnd sagt / Darumb gehet hin vnd Lehret alle Völcker / vnd Tauffet sie im

B ij

namen

## Erklärung des Ge

nämen des Vatters/vnd des Sins/vnnd des  
Heyligen Geystes. Was aber für nutz darauß  
komme/sagt er Marci am letzten/ Wer glaube  
vnd getaufft würt/der würt Seelig/Vnd Jo-  
han. xviij. Vatter du hast deinem Sün macht  
gegeben vber alles fleisch/Auff das er das ewi-  
ge leben gebe allen denen/die du jm geben hast/  
das ist aber das Ewige leben/das sie dich (das  
du wahrer Gott bist/vnnd den du gesandt hast/  
Jesum Christum) erkennen/vnd hernach/Vater  
ich will/ wo ich binn / auch die seyen die du  
mir geben hast / des sollen sich alle gleübigen  
tröste/ Dañ der glaube macht vns zu Kindern  
Gottes/Seind es aber Kinder / Spricht Pau-  
lus/Gala.iiiij. So seind es auch erben Gottes  
durch Christum. Dises Erbe Gottes/ das wir  
seind/gedencken die Feinde außzürotten vnnd  
züuertilgen/die Kirche gedencken sie vnder zü-  
rucken/vnd alle gleübigen dahin zürichten/az-  
ber solches ih: fürnemen ist vergeblich / Dann  
weil Gott Ewig ist / würt sein Erbe auch wol  
Ewiglich bleyben/doch klagen wir mitler zeit/  
vnserem Gott solch bößlich fürnemen vnserer  
Feinde/Vnd sprechen mit dem Propheten Sa-  
uid/Psal. lxxij.

¶ Herr/Es seind Heyden in dein  
Erbe gefallen/die haben deinen heyl-  
ligen

betts der Esther.

ligen Tempel verunreinigt/ vnd auß  
Jerusalem Steynhauffen gemacht.

Sye haben die Leichnam deiner  
Enechte/ den vögeln vnder dem Him-  
mel zūfressen gegeben / vnd das fley-  
sche deiner Heyligen/ den Thieren im  
Land.

Sye haben Blut vergossen/ vmb  
Jerusalem her / wie wasser/ vnd war  
nyemandt der begrüß.

Wir seind vnseren Nachbawren et  
ne schmach worden/ ein spott vnd  
hon/ denen die vmb vns seind.

Herr/ wie lang wiltu so gar zürnē/  
vnd deinen Zyer wie feur brennen  
lassen.

Schütte deinen grim auff die Hey-  
den/ die dich nit kennen / vnd auff die  
Königreyche / die deinen namen nit  
anruffen.

Dann sie haben Jacob auffgefres-  
sen/ vnd seine Heüser verwüster.

Gedenck nit vnserer vorigen Mis-

B iiij sethac

Erklärung des Ge-  
sethat/ Erbarm dich vnser bald/ daß  
wir seind fast dünne worden.

Hilff du vns Gott/ vnser helffer/  
vmb deines namens chre willen/ Er-  
rette vns/ vnd vergib vns vnser Sün-  
de/ vmb deines nammens willen.

Warumb laßest du die Heyden sa-  
gen: Wo ist nün jhr Gott: Laß vn-  
der den Heyden / vor vnsern augen  
kündt werden/ die Raach des Bluts  
deiner Knechte/ das vergossen ist.

Laß für dich kómen/ das seüffgen  
der Gefangenen/ Nach deinem groß-  
sen Arm/ behalt die Kinder des todts.

Vnd vergilt vnsern Nachbawren  
sibenseltig in irem bösen / ire schmaa-  
che/ damit sie dich / Herz/ geschmähet  
haben.

Wir aber/ dein Volck vnd schaaff  
deiner weyde/ dancken dir ewigklich/  
vnd verkündigen deinen Khüm für  
vnd für.

¶ Zum vierdten/

vnder

## betts der Lsther.

Vnderstehen sich die feinde das sie möchten  
Den mund deren so den Herren lo  
ben/verstopffen.

**S**As versüchē sie mit gewalt vnd list/ mit  
tröuwen vnd verheissen / sie feren allen  
fleiß an/das sie den lauff des Göttliche  
worts hinderen / die Predig des Euangelij  
dempffen möchten. Ist yemandts in der Ober  
keyt / der vber rechten / reynen / lauterer Leh  
rern helt/sie fürdert vñ handthabt/liebet vñnd  
höret/der muß von anderen verfolgung leyde/  
ellend vnd gefäncknuß/verlust vnd schaden ge  
wärtig sein/Wissen sie iergend einen beständi  
gen Lehrer/der mit schreibē oder Predigen der  
Christlichen Kirchen köndte nütze sein. Der zur  
beständigkeyt vermanet/für falscher lehre war  
net/Gottlose/ abgöttische mißbreüchē straffet/  
Die Wölffe mit namen nennet / die betrübten  
vnd verfolgten Christen tröstet / das gute lo  
bet/das böse tadelt / Den Teüffel/Papst/ In  
terim/vnd dergleichen/mit seinen farben auß  
streicht/vnd also allein Gottes ehre/vnd lob zu  
befürdern/ vñnd führt zusetzen gedenckt/ Hilff  
Gott wie mancherley wege erdenckt man da/  
solchem Gottes diener den mundt züstopffen/  
da legt man in auffrür/ wüterey / halßstarrig  
keit vnd andere laster auff. Da braucht man die  
besten zühoffe/die gelehrten in Vniuersitetē/  
B iij vñnd



## Erklärung des Ge

vnd die gewaltigsten/in Regimenten/Darzu  
das man sie in ein böß geschrey vnd abgunst/  
in jamer vnd not/in armüt/ellend/trübsal vnd  
Todt bringen möge/ oder auffß wenigste/den  
Predigstil vñ die Truckereyen/reden vñ schrei-  
ben verbiete/vnd also ihren mundt verstopffe.  
Aber dises ist ein vergebne vnd vnnütze arbeit/  
damit sie nichts außrichten / daß das sie ihnen  
selbst das ewig verderben bereyten. Sonst heis-  
set es warlich/wañ dise schweigen/ so werden  
die steyne schreyen. Darnach haben sie auch eine  
andere weise/denen/die Gott lieben/das maul  
ziuerstopffen. Nämlich das sie mit geschenck  
vnd gaaben/grossen Thümereyen vnd preben-  
den/Herlichen Emptern vnd Titeln/ertliche  
von den Lehrern bestechen/vberwinden/ vñ al-  
so/die warheyt zureden / den mundt verstopf-  
fen/vnd bewegen andere auch einhalt zithün/  
vnd zühindern. Durch welches böses stuck / in  
vergangnen wenig Jaren / vil Klüngen diser  
welt/sich schandtlich haben betriegten/verfürē/  
vnd wider die erkante warheyt/mit dem Teuf-  
selshaußen der Papisten vereinigung anzustel-  
len/bereden lassen / Gott vergeb es jnen/ist es  
ihnen leydt.

### ¶ Zum fünfften/

Vnderstehen sich unsere feinde.

¶ Die ehre des Tempels vnd Alt-  
tars



## betts der Eſther. tars Gottes zūuertilgen.

**G**ottes Tempel/ iſt ſeine Kirche/ ſeine gemeyne/ ſein Volck / die ſammlung deren/ ſo da glauben an den Son Gottes / Jeſum Chriſtum/ der Altar darinē/ iſt Chriſtus ſelbs/. auff dem vnd in dem wir Gott dem vater/ danck vnd lob auffopffern/ in jm. ſeind wir mit Gott verſonet. Vñ iſt die ehre diſes Tempels/ der Chriſtlichen gemeine vnd aller Außerwölten/ die / das Gott alda wonet/ durch ſein wort vnd Sacrament freſſtig iſt/ vnd die leüte Seelig vñnd gerecht macht/ ohn ihre verdienſt vnd würdigkeyt/ das ſie durch den glaubē heylig ſeind/ vnd vor Gott from vñ gerecht geacht werden/ diſe ehre vnderſtehen ſich vnſer ſeinde mit gewalt vnd vndertruckung des Euangelij zūhinderen/ vnd durch des Papſts oder der neüwen werck lehrer/ Vſiandriſten/ Schwenckfeldiſten/ vnd anderer vnſinniger leüte vngegründtes fürgeben vñnd ſchwörmen zūtilgen. Die ehre des Altars aber iſt / das Jeſus Chriſtus allein/ vñ ſonſt nichts vberal/ iſt die genügſame bezalung/ vnd das eynige Opffer für vnſer vñ aller welt ſünde/ welches die ſeinde des Creützes Chriſti leügnen / oder doch vnder geferbtem ſchein zūtilgen ſich vnderſtehen/ da ſie fürgeben/ das Chriſtus wol allein vnſer Seeligmacher

B v

## Erklärung des Ge-

ligmacher sey/doch sey vnser zürhün/vnnd vn-  
sere güte werck auch so nötig zur Seeligkhey-  
das ohne dieselbigen. nyemandt könne Seelig  
werden.

### ¶ Zum sechsten.

Vnderstehen sich vnser feinde/

### ¶ Den Heyden das maul auff zürhün.

**S**As ist ein rhüm bey anderen Gottlosen  
leüten zürlangen/als weren sie die be-  
sten vñ nechsten bey Gott/als hetten sie  
güte sache/recht vñ süß zü vns / sie woltē gern  
mit vnser vndertruckung/anderen ih:es gleich  
en vrsach geben zü zweyen schädlichen lasteren/  
vnd Gottes lesterung. Erstlich.

### ¶ Zü preisen die macht der Götzten.

**S**As ist Eygener macht / gewalt / ver-  
nunfft/vnd geschicklichkhey/ Dann war-  
auff sich der Gottlose verlasset / das ist/  
sein Götz/vnd Abgott/das rhümet er/ damit  
pranget er wider ander leüt/darauff bocht vñ  
trozt er.

Darnach wölffen sie damit auch vrsach gebē.

### ¶ Ewiglich zürhümen einen sterblichen König.

**W**Je dan jetzt auch geschicht/ da man nur  
die ihenigen am meysten/ on vnderlaß/  
on auff hören rhümet/die in d welt leib-  
licher

## bettes der Esther.

licher weise/das meyste glück haben/sigen/ge-  
winnen/vñ obligen/Von denen kan man nit ge-  
nügſam ſingen/sagen/schreiben/In ſumma die  
ſeind vnüberwindlich/ großmächtig / Allein  
in allē ſachen gerecht vñ auffrichtig/Vñ ſpricht  
doch die liebe Eſther / es ſeind ſterbliche Kö-  
nig/Was hilfft ſie dan nün jr rhümē / ſeytēmal  
jr Könige vñ Oberſten ſterblich ſeind / vñ hin-  
under müſſen/was haben dann ſolche rhüm-  
rige leute daruon/Sie laſſen ſich wol duncken/  
es ſoll ewig wāren/aber es fālet in/Der mann  
mit dem eüſſeren Zep̄ter im anderē Psalm/mit  
den ſchwāren hānden/vñ mit dem groſſen ham-  
mer/ſicht ein weil zū/ Darnach ſchmeißt er ein-  
mal mit freüden drein/vnder die Töpffe/vnder  
die ſterblichen Könige / das die ſcherben umb-  
her ſteiben/Soligt dan rhüm/bracht / trotz vñ  
ſtolz/ein Teüffel mit dem andern in der aſchē/  
vñ bleibt gleichwol der ſon des ewigē vatters  
allein König/Vnd würt also endtlich der reim  
war. Setze dich zū meiner rechten/biß ich lege  
deine ſeinde zūm ſchemel deiner füſſe. Wolan  
ſo ferz haben wir im dritten ſtuck gehört/ was  
die liebe Eſther/vñ wir ſampt jr/vber vnſer vñ  
vnſers Gottes ſeindeklage / was jr bößlich vñ  
mordtlichs fürnemen ſey/vñ auff wie mancher  
ley weise/ſie ſich vnderſtehen / Gottes Kirche/  
Regiment vnd volck züdempfen.

¶ Das vierdt ſtucke.

In

## Erklärung des Ge

In diesem gebett seind etliche hertzliche bitte/  
darinnen wir anzeygen/was wir von Gott be-  
geren vnd züerlangen verhoffen/ Vñ seind der  
selbigen bitte fürnemlich Vneine.

Erstlich/sagen wir.

¶ Herz gib nicht dein Scepter de-  
nen die nichts seind.

**G**ottes Scepter ist Gottes macht/ Got-  
tes krafft/wort vnd Euangelium/vnnd  
die regierung seiner Heyligen Kirchen/  
vnd des Predigampts / darfür bitten wir nim-  
bie/das Gott denselben Scepter nicht wolt in  
deren handt vnnd gewalt kommen lassen / die  
nichts seind/das ist/den vngleübigen / daß für  
Gott gilt nichts dann der glaube/vñ der gleü-  
bige ohn glauben/ist es vnmüglich Gott gefäl-  
len / Darumb wer den Glauben nicht hat/ist  
nichts vor Gott / Vnnd ist dise bitte sonderlich  
wider das Papstumb vnd alle andere Abgöt-  
tische reich gericht/Das vns Gott ja der selben  
Tyrannischen regiment nicht wölle vnderwerf-  
fen/vnd in seinem wort zügebieten vnd züuer-  
bieten ihres gefallens. Darumb nicht/.

¶ Das siemicht vnsers Jamers  
spotten.

Das

## betts der Eſther.

**S**As iſt die uſach diſer bitte/ das man im  
Bapſtumb/ der armen / betrübten/ zer-  
ſchlagne gewiſſen/ inn ihrem größten ja-  
mer/ mit auffgelegter gnügthiung vnd bezas-  
lung/ vnd anderen Papiftiſchen beſchwerden/  
vnd auffgedrungenē abgöttiſchen Ceremonien/  
nur geſpottet vnd verlachet hatt/ Wie ſie dann  
wider thün wurden/ wann ſie das Scepter wi-  
derumb in ihre hände bekommen wurden / wo  
ſie die gewalt haben möchte/ Gottes Wort wi-  
derumb ihres gefallenſ zu deuten/ vnd vber die  
gewiſſen nach ihrem alten gebrauch zu Tyrani-  
ſieren/ vnd mit Menſchen ſatzungē vmb ires  
genieſſes willen/ vber die Kirche Chriſti zu rea-  
gieren / Ja freylich wurden ſie vnſers jammers  
ſpotten/ Wie ſie dan albereyd vnſer in vnſerem  
Creütz vnnd ellend ſpotten / wann es ihnen ein  
wenig nach ihrem willen gehet / vnd ſie etwan  
nur in eüſſerlichen ſachen die vberhand gewin-  
nen/ Darzu wölle es Gott den nichtigen nye-  
mandes nützen leüten/ ja nimmermehr kommen  
laſſen/ hieher gehört das liebe Lied.

Erhalt vns Herz bey deinem Wort / Vnnd  
ſteür des Bapſts vnnd Türcken mordt / Die  
Jeſum Chriſtum deinen Son/ Stürzen wölle  
von ſeinem thron.

Beweiß dein macht Herz Jeſu Chriſt / Der  
du Herz aller Herzen biſt/ Beſchirm dein arme  
Chriſten.



**Erklärung des Ge-**  
Christenheyt/das sie dich loben in ewigkelt.

¶ Die ander bitt heisser.

¶ Wende jr fürnehmen vber sie.

**D** Ranschläge Herz zu nichte mach/laß sie  
treffen die böse sache/vnnd stürz sie in die  
grüben hinein / die sie machen den Chri-  
sten dein/Bring jr vnglück auff ihren kopff/vñ  
jr fräuel fälle auff jren scheytel/Psaln/vñ.ver-  
gilt vnseren nachburen sybenseltig in jrem bö-  
sen/Ihre schmach damit sie dich Herz geschmä-  
het haben/Psaln/lxxix. Also gieng es dē Gott  
losen Haman/ Er wolte den frommen Mar-  
docheum hengen lassen/vnnd ließ darzu einen  
grossen baum auffrichten / Fam darnach selbs  
hinan.

¶ Die dritte bitte.

¶ Zeychne den/der diß wider vns  
anrichtet.

**W**eil der Judas so vil seind in der Welt/  
die das Euangelium heymlich helffen  
verhaten vñ verfolgen / gehen darnach  
daruon/als hetten sie es nicht gethon / Geben  
dem Herzen Christo noch gar fein einen fuß/vñ  
stellen sich/als weren sie mit jm am bestē dian/  
vñ rhümen sich/als die besten fürderer der Kir-  
chen Gottes/So bitten wir Gott/er wölle sol-  
che seine heymliche Feinde zeychenen / Das ist/  
mit

## betts der Esther.

mit züchtigung oder straffe offenbar machen/  
das man sich desto besser für ihnen hüten/ vnd  
fürsehen möge/ Dß sie durch ire eygene schand  
schamrot gemacht / ihre vbelthat zuerkennen/  
vnd von dem bösen abzulassen/vnd sich zubeke-  
ren/bewegt werden/oder das ihnen ander lei-  
te fürthyn nicht gläubē/ oder aber das sie Gott  
dermassen/ da kein besserung an ihn zuhoffen/  
mit dem eysernen Zepter vber den kopff strei-  
che / Das sie es hernach nicht mehr thyn döf-  
fen.

## ¶ Die vierdte bitte.

### ¶ Gedenc̃k an vns Herz.

**D**ußer lieber Gott vergisset zwar vnser  
Nymmermehr / Aber nach der Heyligen  
schrifft art vnd rede / Gedenc̃kt Gott an  
vns/wann er mit der hilffe vnd rettung sich se-  
hen lasset/ Das wir spüren/fülen/ sehē mögen/  
das er an vns gedenc̃kt. Also sagt der Heylig  
Zacharias auch in seinem Lobpsalm / Gott ha-  
be gedacht an seinen Heylige Bund/vñ an den  
eid den er Abrahā geschworē hatt/nit dß er des  
ye vergessen/sonder dß er sich mit der that/mit  
der sendung des verheissenen Messie sehen las-  
se/dß alle welt spüren möge/ er habe seiner zu-  
sagung nit vergessen / sonder die gewaltiglich  
erfüllet vnd gehalten/ So bitten wir hie nun/  
das

## Erklärung des Ges

das sich Gott mit seiner gnädigen hilffe wölle sehen lassen/damit sein armes Vöcklin sein genad gegenwertig spüre.

### ¶ Die fünffte bitt.

Erzeyge dich in vnserer not.

**H** Je bitten wir vmb trost vnd gedult im Leiden / da die zeitliche errettung ja nit solt vnser nutz sein ( Wie dan Gott wol weiß/was vnser bestes ist ) dz er sich doch mit seinen gnaden erzeygen/ vnd mit trost in vnser hertzen leuchten wolte/ Nit vnser Sünde/ sondern das verdienst Jesu Christi ansehen / vnnnd vmb desselben willen sich vns inn allen nöten/ sonderlich im letzten stündlin erzeygen/ vnd hie her gehört das Lied. Es wölle vns Gott genädig sein/vnd seinen segen geben/Sein andt- litz vns mit hälletem schein / erleuchte zum ewigen leben/ &c.

### Die sechste bitt.

¶ Stercke mich Herz du König aller Götter vnd Herrschafften.

**H** Je bitten wir vmb beständigfeyt / vnnnd bekennen vnser schwachheyt / dz wir nit können außhalte auß menschlichem vermögen/Wo nicht Gott stercke vnd macht darzu ver-



## beten der Eſther.

zu verleihen/Er muß anſehen/er muß auch vollenden/das also ihm die ehre bleibt/das er uns erwölet/beruffen/vnnd angenommen vnnd erhalten habe. Daher heißet er auch ein Heyli- ger vnnd Starcker Gott / Vnnd hieher gehört das Lied.

Mitten wir im leben ſeind / mit dem Tode umfangen / Wo ſollen wir dann fliehen hin/ Das wir Gnad erlangen. Das biſt du Herr alleine/Vns reuwer vnſer miſſethat / Die dich Herr erzürnet hatt./c.

## Die ſyebende bitte.

¶ Erhöre die Stimme der verlaſſenen/Du ſtarcker Gott.

**S**As iſt nun eine fürbitte / für alle andere Arme Chriſten/ das ſich Gott derſelben anneme/vnnd ihre klage erhö:ren / Das iſt/im werck beweifen wölffe/das yederman ſehen möge/ Es ſey ihr gebett für ihn kommen/angenem vnnd erhöhtet/ Darumb gibt man ihm auch den Titel/Starcker Gott vber alle / das keyne noch noch widerwertigkheyt ſo groß iſt/ Wort kan ſie wenden.

C ¶ Die

## Erklärung des Ge

### Die Achte bitte.

¶ Vnd errette vns von der Gottlosen handt.

**H** Je bitten wir vmb endeliche erlösung/ von dē Teüffel/ von der gottlosen welt/ vnnnd allen bösen leiten / Es geschehe gleich zeitlich durch o:denliche / von Gott gegebne mittel/oder Ewiglich durch einen Seeligen abscheydt/von diser Argen Welt/ wie es vnser Lieber Herre Gott nün schicken möchte.

### Die neündte bitte/

¶ Erlöse mich auß meinen nöthen.

**M** Itt diser Bitte / tragen wir Gott auß andere vnser noth für/ innerlich vnnnd eüßserlich/ Leiblich vnnnd Geystlich / als ansetzung der sünde/des Teüffels/vnser eygen fleysches/ Armut/ Traurigkeit/ Schuld/ Schande.

## bettes der Esther.

Schande/te. Da bitten wir in Summa hie/  
das vns Gott wölle erlösen von allem vbel.  
Vnnd damit beschliessen wir auch diß Gebett/  
wie das täglich Vatter vnser. Vnser lieber  
Herre Gott/wölle nach seiner gnädigen Züch-  
tigung/vnser bitte erhören/Vnd vns alles das  
geben/das er vns an Leib vnd Seel/nütz-  
lich vnnnd güte erkennet/Vmb sei-  
nes Lieben Söns/ Jesu  
Christi vnsera Her-  
ren willen/  
Amen.

End.

Getruckt zu  
Straßburg durch  
Samuel Ema  
mel.